

# Jerriais God's Simple Plan

Bibl'ye

Car touos ont péché et sont liains d'la glouaithe dé Dgieu. Romains 3:23

Car l'salaithe du péché, ch'est la mort, mais l'don dé Dgieu, ch'est la vie éternelle en Jésû-Christ, not' Saûveux. Romains 6:23

Car ch'est par la grâce qu'ous avez 'té sauvés, par la fouai, et chennechîn n'veint pon d'vous - ch'est l'don dé Dgieu. Ch'n'est pon par l's oeuvres, à seule fin qu'pèrsonne n'en sait ordgilleux. Éphésiens 2:8-9

Et l'mouaisonneux d'taxe, ayant prîns sa pliaiche au liain, né l'vait pon même les ièrs au ciel, mais s'tapait l'estonma, en disant, "O Dgieu, ai pitchi sus mé, un pécheur." St.-Luc 18:13

Dgieu, en êffet, n'a pon env'yé san Fis dans l'monde à seule fin qu'i condamne lé monde mais à seule fin qu'lé monde sait sauvé par li. Lé chein tchi crait en li n'est pon condamné; mais lé chein tchi n'crait pon est déjà condamné, pa'ce qu'i n'a pon creu au nom du seul Fis dé Dgieu. St. Jean 3:16-17

Ou n'avez 'té mîns à autcheune épreuve sauf chette-chîn tch'est ès hoummes, et Dgieu, tch'est fidèle, n'allouéthà pon qu'ou séyiz mîns à l'épreuve au d'là d'vos forches, mais auve l'épreuve il en r'graie la vaie hors à seule fin qu'ou piëssiez la supporter. 1 Corîntchiens 10:13

Car j'ai l'asseûthance qué ni la mort ni la vie, ni l's anges ni les pouvièrs, ni les choses d'achteu ni les choses à v'nîn, ni la hauteu, ni la profondeu, ni autcheune aut' criatuthe né s'sa capabl'ye d'nos s'pather dé l'amour dé Dgieu tch'est en Jésû-Christ, not' Saûveux. Romains 8:38-39

Car Christ est la fin d'la louai, pour la justice à touos les cheins tchi craient Romains 10:4

Car i' dit, "J't'ai écouté à la bouanne heuthe, et j't'ai aîdgi au jour du salut. Né v'chîn achteu la bouanne heuthe, né v'chîn achteu lé jour du salut. 2 Corîntchiens 6:2

Et quand i' ouïtent chennechîn, lus tchoeurs fûtent troublés, et i' dîtent à Pièrre et ès aut's apôtres, "Messieurs, nos fréthes, tch'est qu'j'allons faithe?" Et Pièrre lus dit, "Répent'ous, châtchun d'vous, et séyiz baptîsis au nom d'Jésû-Christ, pour l'pardon d'vos péchés, et ous èrchév'thez l'don du Saint Esprit." L's Actes des Apôtres 2:37-38

et à r'mett' lé nouvel houmme, créé s'lon Dgieu dans la justice et la sainteté d'la véthité.

Éphésiens 4:24

S'lon l'êcrituthe, i' n'y'a pon d'juste, pas même un tout seu. Romains 3:10

Né v'chîn pouortchi, viyant qu'lé péché entrit dans l'monde par un seul houmme, et par l'péché la mort, et d'chutte manniéthe à touos l's hoummes la mort s'pâssit, car touos ont péché Romains 5:12

Car, quand j'mantchions acouo d'forche, à la bouonne heuthe Christ mouothit pour nous Romains 5:6

Mais l'Bouan Dgieu nos mouontre Sén amour par chennechîn: j'tions acouo des pécheurs, mais Christ mouothit pour nous Romains 5:8

Tchi 'tait mèrtchi coumme lé Fis dé Dgieu en pouvé s'lon l'Esprit d'sainteté par sa résurrection d'siez les morts, Jésû-Christ, not' Saûveux. Romains 1:4

Sachant qué Christ êl'vé des morts n's'en va pus mouothi. La Mort n'a pus d'pouvé sus Lî. Romains 6:9

Si tu confêsses dé ta bouoche lé Seigneu Jésû, et si tu crais dans tan tchoeu qu'lé Bouan Dgieu l'êl'vit d'siez les morts, tu s'sas saûvé Romains 10:9

Car autchun tchi f'tha un appel au nom du Seigneu s'sa saûvé Romains 10:13

Car j'ai l'asseûthance qué ni la mort ni la vie, ni l's anges ni les pouvièrs, ni les choses d'achteu ni les choses à v'nîn, ni la hauteu, ni la profondeu, ni autcheune aut' criatuthe né s'sa capabl'ye d'nos s'pather dé l'amour dé Dgieu tch'est en Jésû-Christ, not' Saûveux. Romains 8:38-39